

B O S N A I H E R C E G O V I N A
FEDERACIJA BOSNE I HERCEGOVINE
UNSKO-SANSKI KANTON
GRAD BOSANSKA KRUPA
GRADSKI ORGAN UPRAVE

Broj:09-20-1502/23

Dana: 24.4.2023. godine

Na osnovu člana 5. Pravilnika o vrstama, kriterijima i načinu raspodjela novčanih sredstava iz Budžeta Grada Bosanska Krupa za 2023.godinu - Poticaj za poljoprivredu ("Službeni glasnik grada Bosanska Krupa", broj: 2/23) Gradonačelnik grada Bosanska Krupa objavljuje:

JAVNI POZIV
za podnošenje zahtjeva za sufinansiranje troškova kupovine sjemena za proljetnu sjetvu kukuruza, jarih žitarica, povrća, krmnog bilja i drugih kultura

I Gradonačelnik grada Bosanska Krupa objavljuje Javni poziv za sufinansiranje troškova kupovine sjemena za proljetnu sjetvu kukuruza, jarih žitarica, povrća, krmnog bilja i drugih kultura

II Opći uslovi za ostvarivanje prava

Pravo na korištenje sredstava, a u skladu sa Pravilnikom o vrstama, kriterijima i načinu raspodjele novčanih sredstava iz Budžeta Grada Bosanska Krupa za 2023. godinu – Poticaj za poljoprivredu, imaju pravna i fizička lica koja imaju prebivalište/sjedište na području grada Bosanska Krupa, koji su upisani u Registar poljoprivrednih gazdinstava i Registar klijenata u gradu Bosanska Krupa.

Službenu provjeru upisanih pravnih i fizičkih lica u Registar poljoprivrednih gazdinstava i Registar klijenata u gradu Bosanska Krupa obavlja nadležna služba.

III Posebni uslovi, kriteriji i način realizacije

Pravo na sufinansiranje troškova kupovine sjemena za proljetnu sjetvu kukuruza, jarih žitarica, povrća, krmnog bilja i drugih kultura, ostvaruju klijenti koji su za proljetnu sjetvu za potrebe svog poljoprivrednog gazdinstva kupili sjeme i koji dostave dokaze o kupljenom sjemenu.

Za ostvarivanje prava na novčanu podršku, po objavljenom Javnom pozivu, proizvođači su obavezni uz zahtjev dostaviti slijedeću dokumentaciju:

- a) fiskalni račun sa poreznom fakturom na ime klijenta iz 2023.godine (pravna lica i obrti) odnosno fiskalni račun sa otpremnicom na ime klijenta iz 2023.godine (fizička lica)
- b) ovjerena izjava podnosioca zahtjeva da je/će kupljeno sjeme za proljetnu sjetvu utrošio/utrošiti za uzgoj poljoprivrednih kultura za potrebe svog poljoprivrednog gazdinstva

Dokumenti koji se prilažu trebaju biti originali ili ovjerene kopije.

Po podnesenim zahtjevima, nadležna služba će sačiniti Listu korisnika i izvršiti obračun iznosa novčane podrške za svakog korisnika.

Maksimalan iznos sredstava koji se može odobriti jednom korisniku je 1.200,00 KM. Za klijente koji dostave račune o kupovini repromaterijala veće od 1.200,00 KM, uzimat će se iznos u visini od 1.200,00 KM i na isti će se po potrebi primijenjivati proporcionalno smanjenje.

Ukoliko ukupni iznos sredstava po priloženim računima podnosioca zahtjeva bude veći od raspoloživih sredstava izvršiti će se proporcionalno smanjenje novčanog iznosa podrške svim korisnicima.

IV Postupak i provedba

Zahtjev sa propisanom dokumentacijom se podnosi Službi za obrt, poljoprivredu i poduzetništvo, putem pisarnice. Obrazac zahtjeva se može preuzeti u Centru za pružanje usluga građanima grada Bosanska Krupa.

Javni poziv se objavljuje na zvaničnoj web stranici Grada i oglasnim pločama i ostaje otvoren 15 (petnaest) dana od dana objavljivanja na zvaničnoj web stranici: www.gradbosanskakrupa.ba.

Nadležna služba po zatvaranju javnog poziva provodi postupak po istom, te sačinjava Listu aplikanata koji ispunjavaju uvjete i Listu aplikanata koji ne ispunjavaju uvjete javnog poziva koje će se objaviti na zvaničnoj web stranici Grada i oglasnim pločama.

Neblagovremene i nepotpune prijave će se odbaciti rješenjem na koje nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Aplikantima koji ne ispunjavaju uvjete dostavit će se obavijest na koju isti imaju pravo žalbe u roku od 5 (pet) dana od dana prijema obavijesti Komisiji Gradskog vijeća za zaštitu ljudskih prava i građanskih sloboda.

Rješenje o ostvarivanju prava na novčanu podršku donijet će se za aplikante koji ispunjavaju uvjete javnog poziva.

Na rješenje o ostvarivanju prava na novčanu podršku nezadovoljni aplikanti imaju pravo žalbe u roku od 5 (pet) dana od dana prijema rješenja Komisiji Gradskog vijeća za zaštitu ljudskih prava i građanskih sloboda.

Obrađivač: Skenderović Asima

GRADONAČELNIK
Armin Halitović

Dostaviti:

1. Zvanična web stranica grada
2. Oglasne ploče (Bos. Krupa, Bos. Otoka, Jezerski)
3. JP „Radio Bosanska Krupa“
4. Služba za obrt, poljoprivredu i poduzetništvo
5. Arhiva